

Asisko gutuna

2012ko iraila. 3. printzipioa. Eguneroko bizimodua:

kanporantz, elkartasuna

47. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Hil honetan, frantziskotar espiritualitateko lau printzipioetatik hirugarrenari buruz doa Asisko gutuna: eguneroko bizitza, kanporantz: solidaritatea. Egungoa bezalako garai

korapilatsuotan, sufrimendua eta bazterketa erabat ohikoa da. Gutun honetako testuek besteentzat, gertuko eta urrutikoentzat, prest egotera gonbidatzen gaituzte.

Gogoetarako gaia

Exijentzia etikoa

Garai korapilatsuetan bizi gara, beldur eta zalantzazko, sufrimendu eta bazterketazko garaietan.

Horrelako garaietan mamu asko biziberritzen da: oihaneko jokaerak, “besteak hor konpon” eta “urak neure errotara” joerak; indarra hartzen du arrazakeriak eta, nekarazten gaituzten baztertuak ugalduz doazela ikustean, nahiago dugu haietaz ahaztu eta beste aldera begiratu.

Zalantzan jar ezin zitezkeela uste genuen lorpen sozialak bertan behera doaz elkarren ondoren. Osasunbidea eta heziketa bezalako eskubide unibertsalak, hain harro jartzen gintuztenak, gaur zalantzan jartzen dira edo besterik gabe desagertu egiten dira maila xumekoentzat. Pixkanaka lorturiko eskubideak murriztuz doaz, gu horretaz arduratzen ez garelarik.

Zuzenbide gehiagoko mundu baten alde borrokatu nahi badugu, solidaritatea guretzat zerbait baliotsua baldin bada, azken mailakoez

arduratzen bagara, adi egon beharko gatzazkio gertatzen denari. Garrantzizkoak dira laguntzak eta eguneroko solidaritatea, baina are gehiago apustu publikoa egitea ahulenen eta azkenengoen alde, krisiaren zama gehien jasaten ari direnen alde. Ez dago jarrera neutrorik. Gure isilik egoteak esanahia du, gure hitz egiteak ere bai. Hitza beti izan da inportantea, baina azkenengoen ahotsa ez isiltzea exigentzia etiko bihurtu da egun. Isiltzea edo konprometitzea da aurrean dugun dilema.

Eta ezer egin ezin dela pentsatzen dugunean Ebanjeliora hurbiltzeak Jesusek azkenengoen eta baztertuen alde egindako konpromisoa jartzen digu aurrean, eta Hark behartsuei hitzemandako justiziazko Erreinua.

Beste aldera ez begiratzea, injustiziaren aurrean amore ez ematea, ez isiltzea, ondare gabe utziak ikusezin ez bihurtzea da gure lana mundu zuzenago baten alde.

Ebanjelioko pasartea: Lk 10, 29-37

Baina lege-maisuak, bere galdera bidezkoa zela adierazi nahirik, galdetu zion Jesusi:

— Eta nor da nire lagun hurkoa?

Jesusek erantzun zion:

— Behin batean, gizon bat zihoan Jerusalemdik behera Jerikorantz eta lapurren eskuetan erori zen; zeuzkanak kendu eta, egurtu ondoren, alde egin zuten, erdi hilik utziz. Apaiz bat gertatu zen, hain zuzen, bide hartan behera, eta, gizona ikustean, bidetik okertu eta aurrera jo zuen. Gauza bera egin zuen handik igaro zen tenpluko lebitar batek ere: ikustean, bidetik okertu eta aurrera jo zuen. Baina bidaian zen samariar bat bertara iritsi eta, hura ikustean, errukitu egin zitzaion.

Hurbildu eta zauriak lotu zizkion, olio eta ardoz igurtzi ondoren; gero, bere asto gainean ezarri, ostatura eramane eta bere ardurapean hartu zuen. Biharamunean, zilarrezko bi txanpon atera eta ostalariari eman zizkion, esanez: «Zain ezazu eta, gehiago gastatzen baduzu, hurrena natorrenean ordainduko dizut». Zure ustez, hirurotan zeinek jokatu zuen lagun hurko bezala lapurren esku eroritako gizonarekin?

Lege-maisuak erantzun zion:

— Hartaz errukitu zenak.

Jesusek esan zion, orduan:

— Zoaz eta lagun zuk ere beste horrenbeste.

Frantziskotar espiritualtasuna

“Eta poz hartu behar dute, jende baxu eta mesprezatuarekin, behartsu, ahul, gaixo, legenardun eta bide-bazterretako eskaleekin batera bizi izateaz” (1 Er 9,2). Jaunak legenardunen artera eraman zuenetik aurrera, Frantziskok ez zuen soilik pobretasuna aukeratu, ez eta lepradunak eta azkenengoak zaintzea eta haien nekeak arintzea ere. Jainkoak, karitatea egiteko lekuak eraikitzena baino gehiago, bizitza pobreekin batera egitera dei egiten zion. Hori izan zen bere aukera: pobreen artean egonez, haien artean biziz, eskaleen artean eskale eta ahulen artean ahul izanez pobre izatea.

Frantziskok ez dauka kondentatzeko haserrezko hitzik edo juzkurik bere gizarteko abusu eta bidegabekeriaren aurka, baina bere izate osoz hitz profetikoa da, salaketa egiten duen eta baztertuei bestelako begirada eta zaintza emateaz mintzo den hitz profetikoa. Ebanjelioaren arabera eraturiko haren bizitza, eratu gertatzen da pobre eta ahulekin batera bizitzeko ere. Bere ebanjelioaren arabera bizitza inplikazio handiak dituen hautapen bihurtzen da, baztertera geldituen alde jartzean. Frantzisko eta bere lehen anaiak mesprezatuaren artean bizi izan ziren. Jesusek horrela egin zuelako, Jesu Kristori jarraitzeagatik, gupidazko erraiak izateagatik, ebanjelioa bizitzeagatik. Hortik ulertzen dira bere hitzak: “poz hartu behar dute, jende baxu eta mesprezatuarekin batera bizi izateaz”.

Otoitza

Izan gaitezela, Jauna, eskuz elkartuak
otoitza eta dohainean,
zure Eskuekin elkartuak Aitaren Eskuetan,
Espirituaren hego emankorrek eskuz elkartuak,
behartsuen eskuekin elkartuak.
Izan gaitezela Ebanjelioaren esku,
Bizi-ereile,
Itxaropen-kriseilu,
Bake hegaldi.
Zure esku solidarioekin eskuz elkartuak,
denen Ogia banatuz.

Zure esku zulatuekin eskuz elkartuak
munduko gurutzeetan.
Jada pazko-loriaz bererik dituzun Eskuekin eskuz
elkartuak.
Esku irekiak, mugarik gabe,
eskurik den tokiraino.
Mundu osoa besarkatzeko gauza direnak,
geure Munduarekin leialak,
Erreinuarekin leial izanez.
Esku elkartuak tenkan justiziaren aldeko grinan,
goxoak Maitasunean.

Gutuneko azken hitzak

“Besteen sufrimendua senti dezakegu, nolabait, geurea bailitzan, horrela sufrimenduaren kausa eta ondorioen aurka eginarekin eginez jokatzeko”.

2012ko urriko eguneroko ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate urriko erreferentzia guztiak:

1 Lk 9,46-50	8 Lk 10,25-37	15 Mt 11,25-30	22 Lk 12,13-21	29 Lk 13,10-17
2 Lk 9, 51-56	9 Lk 10,38-42	16 Lk 11,37-41	23 Lk 12,35-38	30 Lk 13,18-21
3 Lk 9,57-62	10 Lk 11,1-4	17 Lk 11,42-46	24 Lk 12,39-48	31 Lk 13,22-30
4 Lk 10,1-12	11 Lk 11,5-13	18 Lk 10,1-9	25 Lk 12,49-53	
5 Mt 7,7-11	12 Lk 11,27-28	19 Lk 12,1-7	26 Lk 12,54-59	
6 Lk 10,17-24	13 Lk 11,27-28	20 Lk 12,8-12	27 Lk 13,1-9	
7 Mk 10,2-16	14 Mk 10,17-30	21 Mk 10,35-45	28 Mk 10,46b-52	

Geure web gunea bisitatu

www.asissarea.org



Asis Sarea

646 21 48 96

Asisko Gutunaz, bakarka nahiz taldean lan egiteko iradokizunak

Asisko gutuna

2011ko urtarrila. 3. printzipioa: eguneroko bizitza:

kanporantz, elkartasuna

27. zenbakia

Asisko gutunak hil honetan solidaritateaz eta berorrek dituen iruzurrez gogoeta egitea gomendatzen digu. Sareko hirugarren printzipioari dagokio, eta kanporantz besteei eta munduari begira bizitzera eragiten digu, horrela eguneroko bizitzako gorabeheren aurrean dugun jarrera kontuan hartzeko, eta bizimodu hori modu irekiagoan besteengana zuzentzeko, geure kezka eta geure burua bera ere ahaztuz.

Solidaritatean ditugun tranpak

Gogoeta hau horretarako erabiliko dugu: barrurantz begiratzeko eta besteei emanak bizitzean ditugun iruzurrak aurkitzeko, horrela kanporantzko solidaritatea engainu gutxiagoz bizi dezagun.

Boladan dago solidaritatearen gaia, GKEko kide izatea, premian direnekin denbora egitea, hainbat kausa sozialetarako dirua ematea ... Hori ondo dago, baina hala eta guztiz ere, zergatik ez dugu bizi dugun gizartea eta mundua aldatzen, edo zergatik ez ditugu geure bizi-joerak aldatzen? Seguru aski, solidario izatean "merituren" bat geure bizitzari erantsi nahi diogulako gertatzen da hori. Eta horrela ezin da ezer aldatu.

Ahaztu egiten zaigu honako hau: daukagun guztia doan hartu dugula eta doan eman behar dugula.

Bizitzeko suertatu zaigun une honetan galde diezaigun geure buruari: zergatik eman zait niri hainbeste, eta zergatik egiten zait hain nekeza berori besteekin jartzea?

Saia gaitzen "tranpa" horiek, besteei emana bizitzeko ditudan motibazio ezkutu horiek, aztertzen; agian ezingo ditut aldatu, baina jakingo dut zeintzuk diren besteekiko maitasunez eginak eta zeintzuk neure buruarekikoaz, zeintzuk diren sariaren zain neure intereserako eginak ala trukean ezer espero gabe eginak.

"...maitasunik ez badut, ez naiz ezer..."

Hau da kristau maitasun ederrenaz bibliak dioena; bertan argi eta garbi esaten zaigu zer den eta zer ez den maitasuna.

Irakur ezazu pasarte hori, eta bere bidez egizu otoitz Jainkoaren aurrean jarri, eta utzi Hari zeure burua lantzen.

Lagundu egingo dizu solidario izatera zaramatzaten motibazioak aurkitzen; seguru aski ez da bat bakarra izango, asko baizik: zeure interesa edo atsegina, justizia, doakotasuna, maitasuna, interesik gabe emana bizitzea.

"Maiteak izan ditzagun, ematen zaizkigu senideak"

Asisko Frantziskorentzat, Jainkoak emandako anaiak erregali handi ziren. Eta Jainkoak oparitan emandako zerbait, maitatu egin daiteke soilik.

Horretarako ditugu senideak eta munduko pertsonak: maita eta zerbitza ditzagun, oinak garbi diezazkiegun, hain zuzen geure Aita beraren seme-alaba direlako.

Maitasunak gu geu bestearen tokian jartzera garamatza, dena elkarrekin jartzera; baina ez losintxak eta hitz politikak entzuteko edo geure burua luzitzeko, bakea geureganatzeko baizik, Jainkoaren bakea bihotzean hartzeko.

137. Salmoa: "Dei egin nizunean, entzun egin zenidan"

Egin duzu zeure bizitzan, salmogileak aipatzen duen Jainko horren aurkikuntza?

Salmoa Jainko leialaz mintzo zaigu, entzuten eta suspertzen duen Jainkoaz, ahulezia-uneetan adore ematen digunaz, apalki Haren eskuetan jartzen bagara

Egizu otoitz salmoarekin. Jainkoak ikusiko du zure bihotza. Utzi zeure tranpak Haren eskuetan eta Hark lagunduko dizu beroiek gainditzen.